




ԱՄԱՆՈՐԸ ՀՈԳԵՎՈՐ ՃԵՄԱՐԱՆՈՒՄ

Դեկտեմբերի 31-ին, հինգշաբթի, երեկոյան ժամը 8-ին, Մայր Աթոռի միաբանությունը, Գերագույն Հոգևոր խորհրդի, վերստուգիչ հանձնաժողովի անդամները, Հոգևոր ձեմարանի դասախոսական կազմը և ուսանողությունը, մայրավանքի պատասխանատու պաշտոնեությունը, ձեմարանի հանդիսատեսները, համախմբվել են ամանորի ավանդական սեղանների շուրջ, գոհությամբ, լավագույն հուշերով և զգացումներով ճանապարհելու 1964 թվականը և հավատով, հույսով դիմավորելու նոր տարին:

Որոշյալ պահին ժամանում է նորին Ս. Օծությունը և օրհնում ամանորի սեղանը:

Մայր Աթոռի բարիքներով ծանրաբեռն սեղանների շուրջ ստեղծվում է ամանորի ջերմ, հայրենասիրական մթնոլորտ:

Գործադրության է դրվում գեղարվեստական մի առանձին հայտագիր՝ նվիրված օրվա խորհրդին և նշանակության:

Գ դասարանի ուսանող Ս. Հալիպլյանը արտասանում է Վ. Թեքեյանի «Աղոթք վաղվան սեմին առջև» բանաստեղծությունը:

Հոգևոր ձեմարանի ավագ վերակացու արժանապատիվ Տ. Հովհաննես քահանա Մարությանը, հանուն դասախոսական կազմի շնորհավորելով Վեհափառ Հայրապետի նոր տարին, ասում է.

«Վեհափառ Տեմբ.

Նոր տարվա խորհրդավոր այս պահին, նորից հավաքված այս սուրբ հարկի տակ, նստած ամանորի սեղանների շուրջ, մեզանից յուրաքանչյուրի մտքի առաջով անցնում

է հին տարվա արդեն իսկ պատմություն դարձած օրերի շարանը:

Որպես ժողովուրդ և Եկեղեցի, անցած տարվա օրերին կարողացել ենք մեր ուժերի չափով մի նոր քար, մի բաճ շաղախ ևս դետեղել մեր ժողովրդի եկեղեցական, մշակութային, տնտեսական կյանքի զարգացման մեջ, ամոթով շմշալով մեր պապերի նվիրական հիշատակների առաջ:

Նոր տարի է, բարեմաղթությունների և շնորհավորությունների օր: Հանուն Մայր Աթոռ Ս. Էջմիածնի Հոգևոր ձեմարանի դասախոսական կազմի, ինձ ուրախություն է վիճակված շնորհավորելու, Վեհափառ Տեմբ, Ջերմ նոր տարին ջերմ, սրտագին բարեմաղթություններով:

Ամանորի առթիվ, մեր բոլորի սրտագին բարեմաղթությունն է, որ Աստված Իր հովանին անպակաս անի կրթական այս հաստատության վրա, և Դուք հրկա՛ր ու երկա՛ր տարիներ հովանավորեք և առաջնորդեք այն, Աստուծո օրհնությամբ և սիրով մեր ժողովրդի:

Այս ուրախ առթիվ, մեր ջերմագին շնորհակալությունը և երախտագիտությունը նաև Հալիպլյան ՍՍԻ Մինխատրեների սովետին առընթեր Հայ Եկեղեցու դործերի խորհրդին, որը միշտ և ամեն առթիվ իր բարյաղակամ վերաբերմունքն է ցուցաբերում ձեմարանի կարիքների համար:

Ջերմ շնորհակալություններ նաև Գերագույն Հոգևոր խորհրդին, վերստուգիչ հանձնաժողովին և Մայր Աթոռի միաբանու-

թյան բոլոր անդամներին, որոնցից շատերը վանական, վարչական իրենց պարտականությունների կողքին, սիրով դասավանդում են Հոգևոր Ճեմարանում, բոլորն էլ մեր Ճեմարանի նախկին սաները:

Այս պահին, մեր շնորհավորական և երախտագիտության խոսքը կցանկանայինք ուղղել նաև Հոգևոր Ճեմարանի բարի և հավատավոր բարերարներին, որոնք, Վեհավատ Տե՛ր, սիրով և զոհողությամբ թեթևացնում են Ձեր ուսերի վրա դրված այս հաստատության նյութական ծանրությունը: Թո՛ղ Աստված վարձահատույց լինի բոլոր նրանց, որոնք բարոյապես և նյութապես օգնում են կրթական այս հաստատության գոյության, բարգավաճման և ապագայի համար:

Թույլ տվե՛ք, Վեհափառ Տե՛ր, հանուն Հոգևոր Ճեմարանի դասախոսական կազմի, մատչելի ի համբույր Ձեր Ս. Աշին, բարեմաղթելով Ձեզ երկար և արևոտ բազում օրեր:

Շնորհավոր լինի Ձեր նոր տարին, Վեհափառ Տե՛ր»:

Լուսարարապետ գերաշնորհ Տ. Ասողիկ սրբազանը առաջին բաժակն առաջարկում է հոտնկայս բարձրացնել Մայր Աթոռի անասանություն և նրա արժանավոր Գահակալ Նորին Ս. Օծություն Տ. Տ. Վազգեն Ա Ամենայն Հայոց հայրենասեր և շինարար Վեհափառ Հայրապետի թանկագին կենաց և արեւատության համար:

Դահլիճով մեկ հնչում է վեհ ու տոնական «էջ Միածինն ի Հօրէ՛» շարականը:

Լսարանի ուսանող Գրիգոր Բունիաթյանն արտասանում է Պ. Սևակի «Նոր տարի» բերթվածը, որից հետո, նույն լսարանի ուսանող Դավիթ Դիլանյանը, հանուն ուսանողության, ընթերցում է շնորհավորական մի ուղերձ:

Վեհափառ Հայրապետը երկրորդ բաժակն է բարձրացնում հայ ժողովրդի պայծառ ապագայի, Մայր Հայրենիքի խաղաղության, բարգավաճման և հայրենի կառավարության հայրենաշեն ձեռնարկների հաջողության կենաց, մաղթելով, որ նոր տարին խնդություն բերի բոլոր հայ երդիկներին, ծովանան բարին ու բերքը մեր աշխարհի և օրհնվի վաստակը արդար հայ մտքի և բազումների բոլոր հորիզոնների տակ, և բոլոր մարդիկ լինեն եղբայր, ընկեր ու հարազատ:

Ճեմարանի երգչախումբը հաջողությամբ է կատարում «Երևան» (Կոտոյան), «Հայոց գի-

նի» (Ա. Խաչատրյան), «Խնջույքի երգ» (Մ. Միրզոյան) խմբերգերը:

Գերագույն Հոգևոր հորհրդի անդամ Գրիգոր Բեքմեզյանը բաժակ է առաջարկում Մայր Աթոռի միաբանության կենաց:

«Ձանճառելի Լուսոյ Մայր» շարականից հետո, Բ դասարանի ուսանող Հ. Հակոբյանը արտասանում է «Նոր տարի» ուսանողների անասողական խոսքը, իսկ Բ դասարանից Ա. Գալստյանը դաշնամուրի վրա նվագում է «Արևելյան պար»-ը:

«Էջմիածին» ամսագրի խմբագիր և Հոգևոր Ճեմարանի դասախոս Ա. Հատիտյանը բաժակ է բարձրացնում Գերագույն Հոգևոր հորհրդի, վերստուգիչ հանձնաժողովի, խմբագրական կազմի անդամների կենաց:

Երգչախումբը կատարում է «Սեղանն է առատ» խմբերգը: Ա. Գալստյանը նվագում է Շոպենի «Վալս»-ը դաշնամուրի վրա, իսկ լսարանի ուսանող Ե. Բաղդասարյանը արտասանում է Ն. Զարյանի «Օրացույց»-ը:

Մայր Տաճարի լուսարար և Հոգևոր Ճեմարանի դասախոս հոգեշնորհ Տ. Մեսրոպ վարդապետ Պալյանը առաջարկում է բաժակ բարձրացնել Հոգևոր Ճեմարանի դասախոսական կազմի, Մայր Աթոռի տպարանի տեսուչ Խ. Սամվելյանի և պաշտոնեության կենաց:

Ճեմարանի վերականգնող բարեշնորհ Ժիրայր սարկավազ Գալիաբջյանը, ընդհանուր ծիծաղի մեջ, հրապարակում է նոր տարվա առթիվ իր գրած «կաղանդեքներ»-ը:

Երգչախումբը, Ճեմարանի երաժշտության դասախոս հորեն Հակոբյանի ղեկավարությամբ, կատարում է Կոմիտաս վարդապետի «Լո լո»-ն, «Փեսին գովքը», Սայաթ-Նովայի «Քամանչա»-ն և ժողովրդական «Ֆորկաֆորկա» խմբերգերը:

Մի պահ հանգում են սրահի լույսերը և դահլիճը խոր լուսության մեջ ունկնդրում է «Լուռ գիշեր, սուրբ գիշեր» երգը, հոգեշնորհ Տ. Մեսրոպ վարդապետի կատարմամբ:

Ուրի վրա է Վեհափառ Հայրապետը, ամանորի առթիվ իր պատգամները և օրհնությունները տալու բոլոր ներկաներին:

Նորին Ս. Օծությունը խոսում է հավատով, լավատեսությամբ, հայ ժողովրդի, Հայ Եկեղեցու և Մայր Հայրենիքի սերը մի անգամ և չբռնաճնշելով բոլոր ներկաների սրտերում:

Երգվում է «Նորհուրդ մեծ» շարականը:

Երկույթը վերջանում է «Պահպանիչ»-ով և խմբովին երգված «Հայր մեր»-ով:

